

**KERATAN AKHBAR-AKHBAR TEMPATAN  
TARIKH: 11 MAC 2014 (SELASA)**

| <b>Bil</b> | <b>Tajuk</b>  | <b>Akhbar</b>     |
|------------|---|-------------------|
| 1          | Advance TC sasar jual 500,000 Magic Zlate 11                              | Sinar Harian      |
| 2          | Bukan minyak pesawat MH370  | Kosmo             |
| 3          | Tompok minyak bukan milik MH370   | Utusan Malaysia   |
| 4          | Tompok minyak milik tongkang  | Harian Metro      |
| 5          | Belum ada petunjuk  | Harian Metro      |
| 6          | Oil slick not from missing  | The Star          |
| 7          | Oil Slick not from MH 370   | New Straits Times |
| 8          | Search operations widen   | The Malay Mail    |
| 9          | MH370: Keputusan sampel minyak dijangka diperoleh selewat-lewatnya petang | Bernamea.com      |
| 10         | Media tempatan mula berkumpul di pangkalan APMM Tok Bali                  | Bernamea.com      |
| 11         | Tompokan di Laut China Selatan bukan minyak pesawat - APMM                | Bernamea.com      |
| 12         | Pembenihan awan akan dibuat hari ini                                      | Sinar Harian      |
| 13         | Cloud seeding to continue   | The Malay Mail    |
| 14         | Haze to remain under control if no forest fire                            | The Malay Mail    |
| 15         | Unhealthy air readings recorded in five towns                             | The Star          |
| 16         | Jerebu: Proses pembenihan awan akan dilaksanakan esok                     | Bernamea.com      |
| 17         | Amaran angin kencang dan laut bergelora sehingga rabu ini                 | Bernamea.com      |
| 18         | Bantu syarikat bumiputera   | Harian Metro      |
| 19         | RM 200 juta bantu syarikat bumiputera                                     | Berita Harian     |
| 20         | PM Najib umum dana RM 200 juta bantu syarikat bumiputera                  | Bernamea.com      |
| 21         | Wanita minat jadi saintis   | Utusan Malaysia   |

**KERATAN AKHBAR**  
**SINAR HARIAN (BISNES) : MUKA SURAT 56**  
**TARIKH: 11 MAC 2014 (SELASA)**



Abu Bakar (kanan) menunjukkan komputer Magic Zlate 11 sambil diperhatikan Cheng Peng (dua, kiri).

## Advance TC sasar jual 500,000 Magic Zlate 11

ADVANCE Tech Communications Sdn Bhd (Advance TC) menyasarkan jualan sebanyak 500,000 unit dengan nilai RM850 juta bagi produk baharu Magic Zlate 11, menjelang akhir tahun ini.

Ketua Pegawai Eksekutifnya, Loi Cheng Peng berkata, buat permulaan antara 100,000 ke 200,000 unit akan mula dijual di semua cawangan Courts Malaysia seluruh negara.

Manakala 200,000 unit lagi dijual melalui Gabungan Koperasi Universiti Bhd (Gakub) yang mempunyai 13 ahli di universiti utama di negara ini.

"Selain pasaran tempatan, kami insai peluang menembusi pasaran global terutama negara rantau Asia sebelum menerokai pasaran Eropah dijangka tahun depan," katanya dalam sidang media Majlis Pelancaran Magic Zlate 11 di Courts Megastore, Bandar Sri Damansara, baru-baru ini.

Majlis disempurnakan Timbalan Menteri Sains, Teknologi dan Inovasi (Mosti) Datuk Dr Abu Bakar Mohamad Diah.

Menurut Cheng Peng, produk dibangunkan oleh syarikat tempatan itu boleh didapati bermula April ini.

Tempahan bagaimanapun boleh dibuat mulai Jumaat lalu sehingga 31 Mei depan.

"Magic Zlate 11 adalah produk pertama dilancarkan di bawah inisiatif ini, dan 39 produk lagi bakal diperkenalkan dalam tempoh terdekat," katanya.

Magic Zlate 11 adalah produk hibrid Ultrabook Tablet dua dalam satu dengan perisian Intel Qual-core dan Quad-core CPU terkini serta Windows 8.1, pada harga RM1,899 dan RM2,199 sebelum rebat (rebat bernilai RM250).

KERATAN AKHBAR  
KOSMO : MUKA SURAT 07  
TARIKH: 11 MAC 2014 (SELASA)

Jabatan Kimia sahkan penemuan di Laut China Selatan adalah bahan bakar untuk tongkang

## Bukan minyak pesawat MH370



KESAN tompokan minyak yang ditemui pasukan APMM di perairan Laut China Selatan berdekatan Tok Bali, Pasir Putih kelmarin dipercayai bahan api tongkang, bukannya minyak pesawat Penerbangan Malaysia.

**PASIR PUTEH** - Keputusan analisis kimia terhadap tompokan minyak berwarna kuning yang ditemui Maritim Malaysia (APMM) kelmarin mendapati ia adalah bahan bakar yang digunakan tongkang dan bukan minyak pesawat MH370 yang hilang sejak Sabtu lalu.

Ketua Penguat Kuasa APMM Wilayah Maritim Timur, Datuk Nasir Adam berkata, keputusan itu dikeluarkan oleh Jabatan Kimia Petaling Jaya yang diterima pihaknya pada pukul 5 petang semalam.

"Keputusan adalah negatif. Sampel tersebut dikategorikan minyak bahan bakar yang digunakan tongkang dan bu-

kan oleh mana-mana pesawat udara," katanya pada sidang akhbar di sini semalam.

Kelmarin, APMM menemui tompokan minyak kekuningan pada pukul 11.30 pagi di perairan Laut China Selatan berdekatan Tok Bali, Pasir Putih iaitu kira-kira 20 batu nautika di selatan tempat pesawat MH370 dilaporkan hilang.

Sampel minyak itu yang diambil pada pukul 1.30 petang kelmarin telah diserahkan kepada Jabatan Kimia Petaling Jaya untuk dianalisis.

Dalam pada itu, Ketua Pengerah Jabatan Penerbangan Awam, Datuk Azharuddin Abdul Rahman berkata, objek yang pada mulanya disangka ekor kapal terbang yang di-

kesan di Laut China Selatan sebenarnya hanyalah beberapa batang kayu yang diikat untuk membentuk sebuah pontun.

"Terdapat laporan bahawa bahagian pesawat MH370 dijumpai oleh beberapa agensi penyelamat.

"Bagaimanapun, laporan itu tidak disahkan secara rasmi oleh pihak berkuasa Vietnam, malah kapal yang dikerah ke situ hanya menemui kayu yang diikat," katanya.

Menurutnya, sehingga semalam, tiada sebarang pengesahan bahawa serpihan pesawat berkenaan dijumpai mana-mana agensi yang menyertai operasi mencari dan menyelamat.

**KERATAN AKHBAR**  
**UTUSAN MALAYSIA : MUKA SURAT 06**  
**TARIKH: 11 MAC 2014 (SELASA)**

# Tompok minyak bukan milik MH370

PASIR PUTEH 10 Mac - Tompokan minyak yang ditemui Agensi Penguatkuasaan Maritim Malaysia (Maritim Malaysia) kira-kira 36 kilometer dari lokasi pesawat MH370 dilaporkan hilang semalam, disahkan bukan daripada pesawat tersebut.

Ketua Penguat Kuasa Maritim Malaysia Wilayah Timur, Laksamana Pertama Datuk Nasir Adam berkata, perkara itu disahkan selepas keputusan analisis tompokan mi-

nyak berkenaan dikeluarkan oleh Jabatan Kimia di Petaling Jaya pada pukul 5 petang ini.

"Keputusan analisis itu adalah negatif iaitu bukan daripada pesawat MH370.

"Sampel itu dikategori sebagai bahan bakar untuk kegunaan tongkang atau kapal laut dan bukannya pesawat udara," katanya dalam sidang akhbar di Pelabuhan Maritim Malaysia Tok Bali, di sini hari ini.

Semalam, Maritim Malaysia di-

laporkan menemukan beberapa tompokan minyak semasa menjalankan operasi mencari dan menyelamatkan di perairan Laut China Selatan.

Tompokan tersebut dikesan kira-kira pukul 11 pagi selepas agensi berkenaan memulakan operasi selama lima jam.

Dalam perkembangan berikaitan, Nasir memberitahu, operasi mencari dan menyelamatkan membatkan Maritim Malaysia hari ini

meliputi kawasan seluas 2,700 kilometer persegi dengan tumpuan diberi kepada lokasi penemuan tompok minyak serta selatan perairan Besut.

"Operasi hari ini turut melibatkan pesawat CL415 jenis Bombardier yang terbang di ketinggian 1,200 kaki selama kira-kira lima jam bermula pukul 10.45 pagi ini. Bagaimanapun sehingga petang, tiada petunjuk baharu ditemui," katanya.

## Penemuan objek dikaitkan dengan pesawat MH370



### ■ Tompokan minyak berwarna kuning

**Waktu penemuan:** 11 pagi 9 Mac 2014.

**Lokasi:** Kira-kira 20 batu nautika dari lokasi MH370 dilaporkan terputus hubungan di perairan Laut China Selatan.

**Hasil sebenar penemuan diumumkan:**

5 petang 10 Mac 2014.

Bahan bakar untuk kegunaan tongkang atau kapal laut.

### ■ Serpihan pintu pesawat

**Waktu Penemuan:** Waktu malam 9 Mac 2014.

**Lokasi:** Barat daya Pulau Tho Chu, perairan Vietnam.

**Hasil sebenar penemuan diumumkan:**

2 petang 10 Mac 2014.

Seikat kayu yang kelihatan seperti pontun.

### ■ Bot penyelamat berwarna kuning

**Waktu penemuan:** Waktu pagi 10 Mac 2014.

**Lokasi:** 130 kilometer barat daya nautika barat daya Pulau Tho Chu, perairan Vietnam.

**Hasil sebenar penemuan diumumkan:**

6 petang 10 Mac 2014.

Bekas pembalut kabel yang berlumut.

